

شلتان العمر

كيف اموتك جرح وحيابك جروح
كيف المك شوق ورجع انثرك
كيف اصور للجسد نزعات روح
كيف انامك ليل ورجع اسهرك
المحاجر ملها ملح يفوح
والحنيا قوتها من سكرك
عجزت افواه السوالف لاتبوح
تلبس ايامي محاسن مظهرك
نامت عيون القصيد وين اروح
الحناجر صوتها مايعذرك
كل محاسيت بطيفك تلوح
في شتات العمر قلت ادورك
يعني اشياءك تغني للوضوح
ياسنين الوقت كيف اصورك
الجنون يحدني اهدم صروح
واترك العالم وانام بمحجرك
وانثني في صمت اهاتي ونوح
وارتمي باحضان وقتي واشكرك
الذنوب اخوان وايامك تروح
طشها للريح من خلف اضهرك
كان موتك جرح بحيابك جروح
واجمعك في شوق ورجع انثرك

بدر الضمني

الطفولة

رجعت لورا لايام في طية النسيان
معالم طفولة عاجز الوقت يخفيها
ليالي الهنا عن مسحها وقتها عجزان
انما من خلال الذاكرة شفت ماضيها
اشوف الربيع الزين واشوف لي بدوان
ومقاطر طويلة مالحننا تواليها
انا اشوف لي روض امتلا باجمل الغزلان
واشوف العود اللي القطا من حواليها
وانا اشوف لي عدشهد مفرق الخلان
وعليه التقت ياما هنوف بغاليها
وبيت كبير تلعب اقباله الورعان
ومن بينهم طفلة يحير النظر فيها
براءة طفولة رائعه تخجل الشيطان
وتزيد التدلع كل مامر واليها
تمرد فرحها سابق الطير بالريضان
لحتي عجز عنها الفضا لايكفيها
معها القدر طايح وهي تشتهي العصيان
تدور على اللي بالتحدي يناحيها
وعنها القدر غض النظر فاشل وخسران
عجز وارتجف خاف القدر من تحديها
انا ادري عن الترحال عادة مع البدوان
ولكن غريبة كيف تهجر اراضيها؟
انا ضحكتي للحين في وحشة الوديان
تصارع شبح نسيان وتخاف يطويها
تدور على الحررة وتلقى العوض مرحان
تمرد تزيد والالقت شخص يحويها
تشوف بزوايا مرحنا ندره الاحزان
يقولون به احزان نسمع بطاريها
تعود لاراضي شاسعه ماوطاها انسان
تراودني الشبكة على صدق ماضيها

عابرة سبيل